



دستوره القرآن

وحدك إمام المسلمين وكل شعبك مسلمي
شهادتن دون الوطن ترخص لها حمر الدمى
يملي على نفسي ضميري ثم يكتبه قلبي
اللي يضيع بساعة فيها المواقف تحمي
ما الله خلقنا للعلوم اللي عليها ننتمي
سبحانه اللي علم الإنسان ما لم يعلمي
ولا عشت يا راس على تراب الوطن ما تحمي
وأهل السياسة والدها وأهل الرمي وقت الرمي
دون السعوديه وابو متعب نشد المحزومي
الحكم حكم اللي حكم بالسيف والدار محمي
يحكم بقول الله تعالى فالكتاب المحكمي
مترامي الاطراف لاكن للعقيدة ينتمي
تثلج صدور المسلمين اليعربي والاعجمي
أطهر بقاع الارض في شرع الإله منظمي
دار الكرم تعامله مع العزيز الاكرمي
الخير منه وفيه من ماض الزمان الاقدمي
وراع العزيمه يبني الهمة وعكسه يهدمي
ابليس من فعله بمكه كل حج يرجمي
ومن دون حد المملكه واللي حكمها نحتمي

ياخادم البيتين لك منا الولا والإحترام
شبه الجزيره كلها من دونكم درع وحسام
ما نيب أقوله لي مقاصد لا حشا بين الإمام
الله ولا بعض الكلام اللي يسمونه كلام
حنا خلقنا الله نقول الحق والعزه وسام
بحر القصيده يصطفق والشعر في راسه عرام
هيهات يا راس من العزه يجي فيه احتدام
آل سعود أهل الحكم وأهل الكرم وأهل السنام
الصف واحد والوطن واحد ولا فيه انقسام
يا أهل العقول الضايعة فيكم تهور وانقسام
هذا وطن دستوره القرآن نهجه والسلام
هذا وطن ينهج على نهج النبي خير الانام
هذا وطن صوت المآذن فيه للخمس العظام
هذا وطن ما استعمروه اللي تحت حكم النظام
هذا وطن دين السماحة والعضو والالتزام
هذا وطن ما زعزعو حكمه خفافيش الظلام
ما به نجاح أبلا عمل ولا بلوغ أبلا مرام
واللي على حكم الشريعة لا يذم ولا يلام
لكم ولانا فالرخالكم ولانا فالعسام

شعر نايف بن عبدالله بن شعمل السهلي

حررت يوم الخميس ٥ - ٤ - ١٤٣٢ هـ

